



Administrativna komisija

Broj: 04-GV-02-384/21

Sarajevo, 07.05.2021. godine

ZAPISNIK O RADU
PRVE SJEDNICE ADMINISTRATIVNE KOMISIJE
održane 07.05.2021. godine

Prisutni:

1. Jasmin Ademović, član
2. Toni Vukadin, član
3. Adi Škaljić, član
4. Drago Jurić, član
5. Vedad Deljković, član
6. Bajro Biber, član

Odsutan: Dragan Stevanović, član (opravdano odsustvo)

Sjednici iz Gradske službe za Gradsko vijeće prisustvuju:

- Safet Krajišnik, sekretar Gradskog vijeća Grada Sarajeva
- Zinaida Beširević, šef Odsjeka za stručne poslove
- Aida Bajramović, šef Odsjeka za Kabinetske poslove

Po ovlaštenju Gradonačelnice sjednici prisustvuje:

- Meliha Olovčić, pomoćnica gradonačelnice za opću upravu i zajedničke poslove

Sjednica započela s radom u 12.03 sati.

Predsjedavajući Gradskog vijeća Jasmin Ademović je otvorio sjednicu, pozdravio prisutne, utvrdio kvorum za rad i odlučivanje.

Predsjedavajući Gradskog vijeća je pozvao članove Komisije da predlože predsjedavajućeg i zamjenika predsjedavajućeg Administrativne komisije.

Toni Vukadin, član Komisije je predložio da se za predsjedavajućeg Administrativne komisije izabere Jasmin Ademović, a za zamjenika predsjedavajućeg Adi Škaljić.

Na prijedlog predsjedavajućeg Gradskog vijeća, Administrativna komisija je sa pet glasova „za“ i jednim „suzdržanim“ glasom usvojila sljedeći zaključak:

Jasmin Ademović izabran je za predsjedavajućeg Administrativne komisije.

Na prijedlog predsjedavajućeg Gradskog vijeća, Administrativna komisija je sa pet glasova „za“ i jednim „suzdržanim“ glasom usvojila sljedeći zaključak:

Adi Škaljić izabran je za zamjenika predsjedavajućeg Administrativne komisije.

Novoizabrani predsjedavajući Komisije Jasmin Ademović, je preuzeo vođenje sjednice. Prije prelaska na glasanje o predloženom dnevnom redu predsjedavajući Administrativne komisije je upoznao članove Komisije da je u Gradsku službu za Gradsko vijeće zaprimljen zahtjev za



ostvarivanje prava na socijalno osiguranje gradskog vijećnika Vedrana Dodika, te predložio da se članovi Komisije izjasne da se u dnevni red sjednice Administrativne komisije uvrsti zahtjev gradskog vijećnika Vedrana Dodika za ostvarivanje prava na socijalno osiguranje.

Na prijedlog predsjedavajućeg, Administrativna komisija je jednoglasno usvojila **zaključak**:

Administrativna komisija će pod tačkom 13. dnevnog reda razmatrati zahtjev za ostvarivanje prava na socijalno osiguranje gradskog vijećnika Vedrana Dodika.

Na prijedlog predsjedavajućeg, jednoglasno je usvojen sljedeći **dnevni red**:

1. Utvrđivanje Odluke o radno pravnom statusu predsjedavajućeg Gradskog vijeća Grada Sarajeva (Jasmin Ademović)
2. Utvrđivanje Odluke o radno pravnom statusu zamjenika predsjedavajućeg Gradskog vijeća Grada Sarajeva (Dragan Stevanović)
3. Utvrđivanje Odluke o radno pravnom statutu zamjenice predsjedavajućeg Gradskog vijeća Grada Sarajeva (Mirela Džehverović)
4. Donošenje Rješenja o prestanku radnog odnosa predsjedavajućeg Gradskog vijeća Grada Sarajeva (Igor Gavrić)
5. Donošenje Rješenja o prestanku radnog odnosa zamjenice predsjedavajućeg Gradskog vijeća Grada Sarajeva (Edina Gabela)
6. Donošenje Rješenja o prestanku radnog odnosa zamjenika predsjedavajućeg Gradskog vijeća Grada Sarajeva (Miro Lazović)
7. Donošenje Rješenja o prestanku radnog odnosa (Abdulah Skaka, gradonačelnik Grada Sarajeva)
8. Donošenje Rješenja o prestanku radnog odnosa (Ivica Šarić, zamjenik gradonačelnika Grada Sarajeva)
9. Donošenje Rješenja o prestanku radnog odnosa (Milan Trivić, zamjenik gradonačelnika Grada Sarajeva)
10. Donošenje Rješenja o zasnivanju radnog odnosa (Benjamina Karić, Gradonačelnica Grada Sarajeva)
11. Donošenje Rješenja o zasnivanju radnog odnosa (Anja Margetić, zamjenica Gradonačelnice Grada Sarajeva)
12. Donošenje Rješenja o zasnivanju radnog odnosa (Haris Bašić, zamjenik Gradonačelnice Grada Sarajeva)
13. Razmatranje zahtjeva gradskog vijećnika Vedrana Dodika
14. Tekuća pitanja

TAČKA 1.

Utvrđivanje Odluke o radno pravnom statusu predsjedavajućeg Gradskog vijeća Grada Sarajeva (Jasmin Ademović)

Na prijedlog predsjedavajućeg, Administrativna komisija je sa pet glasova „za i jednim „suzdržanim“ glasom usvojila sljedeći **zaključak**:

Administrativna komisija Gradskog vijeća Grada Sarajeva je utvrdila *Prijedlog Odluke o radno pravnom statusu predsjedavajućeg Gradskog vijeća Grada Sarajeva (Jasmin Ademović)* i upućuje ga Gradskom vijeću na razmatranje po skraćenom postupku.

Utvrđeni Prijedlog Odluke je u prilogu ovog akta.

TAČKA 2.

Utvrđivanje Odluke o radno pravnom statusu zamjenika predsjedavajućeg Gradskog vijeća Grada Sarajeva (Dragan Stevanović)

Na prijedlog predsjedavajućeg, Administrativna komisija je sa 5 glasova „za“ i jednim „suzdržanim“ glasom usvojila sljedeći **zaključak**:

Administrativna komisija Gradskog vijeća Grada Sarajeva je utvrdila *Prijedlog Odluke o radno pravnom statusu zamjenika predsjedavajućeg Gradskog vijeća Grada Sarajeva (Dragan Stevanović)* i upućuje ga Gradskom vijeću na razmatranje po skraćenom postupku. Utvrđeni Prijedlog Odluke je u prilogu ovog akta.

TAČKA 3.

Utvrđivanje Odluke o radno pravnom statusu zamjenice predsjedavajućeg Gradskog vijeća Grada Sarajeva (Mirela Džehverović)

Na prijedlog predsjedavajućeg, Administrativna komisija je jednoglasno usvojila sljedeći **zaključak**:

Administrativna komisija Gradskog vijeća Grada Sarajeva je utvrdila *Prijedlog Odluke o radno pravnom statusu zamjenice predsjedavajućeg Gradskog vijeća Grada Sarajeva (Mirela Džehverović)* i upućuje ga Gradskom vijeću na razmatranje po skraćenom postupku. Utvrđeni Prijedlog Odluke je u prilogu ovog akta.

TAČKA 4.

Donošenje Rješenja o prestanku radnog odnosa predsjedavajućeg Gradskog vijeća Grada Sarajeva (Igor Gavrić)

Vedad Deljković, član Komisije je postavio pitanje koje se odnosi na rješenja o prestanku radnog odnosa predsjedavajućeg Gradskog vijeća Grada Sarajeva i zamjenika predsjedavajućeg Gradskog vijeće Grada Sarajeva, odnosno zašto je u rješenju predsjedavajućeg Gradskog vijeća navedeno da radni odnos prestaje dana 26.03.2021. godine, a zamjenicima predsjedavajućeg Gradskog vijeće 08.03.2021. godine?

Sekretar Gradskog vijeća je obrazložio da je predsjedavajući Gradskog vijeća u skladu sa članom 6. Poslovnika Gradskog vijeća Grada Sarajeva imao obavezu sazvati i predsjedavati konstituirajućom sjednicom, u funkciji predsjedavajućeg Gradskog vijeća, do izbora predsjedavajućeg Gradskog vijeća saziva koji se konstituiraju. Podsjetio je članove Komisije na odredbe Statuta Grada Sarajeva kojim je propisano da mandat predsjedavajućeg i zamjenika predsjedavajućeg traje do isteka mandata gradskog vijećnika i da je Odluka Centralne izborne komisije Bosne i Hercegovine o potvrđivanju i objavljivanju rezultata posrednih izbora i dodjeli mandata za Gradsko vijeće Grada Sarajeva stupila na snagu 08.03.2021. godine, odnosno danom donošenja.

Sekretar Gradskog vijeća je upoznao članove Komisije da zamjenici predsjedavajućeg Gradskog vijeća, iako su u stalnom radnom odnosu nisu dolazili na posao poslije 08.03.2021. godine, te da u mandatnom periodu mjesečna prisustva i odsustva s posla popunjavali sami i ista potpisivali.

Sekretar Gradskog vijeća je zatražio da se ova diskusija unese u zapisnik.

Toni Vukadin, član Komisije je istakao, da smatra, da je i zamjenicima predsjedavajućeg Gradskog vijeća trebao prestati radni odnos sa danom 26.03.2021. godine, obzirom da je članom 6. stav 4. Poslovnika Gradskog vijeća Grada Sarajeva propisano da ukoliko je predsjedavajući Gradskog vijeća iz prethodnog saziva spriječen sazvati i predsjedavati konstituirajućom sjednicom Gradskog

vijeća, saziva je i njom predsjedava jedan od zamjenika predsjedavajućeg Gradskog vijeća iz prethodnog saziva kojeg on odredi, te u skladu s tim da su zamjenici predsjedavajućeg imali obavezu da budu na dispoziciji predsjedavajućem Gradskom vijeću, odnosno da ga mijenjaju u slučaju potrebe, te da se odredba člana 6. stav 4. Poslovnika Gradskog vijeća Grada Sarajeva unese obrazloženje rješenja.

Također je istakao da je nadležnost Administrativne komisije da donosi rješenja o prestanku radnog odnosa za funkcionere Gradskog vijeća, te da je rješenje o prestanku radnog odnosa osnov za objavu.

U daljoj diskusiji je predložio zaključak da se u rješenju o prestanku radnog odnosa zamjenika predsjedavajućeg Gradskog vijeća Edine Gabele i Mire Lazovića utvrdi prestanak radnog odnosa sa danom 26.03.2021. godina, isto kao i kod predsjedavajućeg Gradskog vijeća Igora Gavrića.

Na poziv predsjedavajućeg, Administrativna komisija je sa pet glasova „za“ i jednim „suzdržanim“ glasom usvojila predloženi zaključak člana Komisije Toni Vukadina:

Administrativna komisija predlaže da se u rješenjima o prestanku radnog odnosa zamjenika predsjedavajućeg Gradskog vijeća Edine Gabele i Mire Lazovića utvrdi predstanak radnog odnosa sa danom 26.03.2021. godine, isto kao i kod predsjedavajućeg Gradskog vijeće Igora Gavrića.

Poslije rasprave, na prijedlog predsjedavajućeg, Administrativna komisija je sa pet glasova „za“ usvojila sljedeći **zaključak**:

Administrativna komisija Gradskog vijeća Grada Sarajeva donosi *Rješenje o prestanku radnog odnosa predsjedavajućeg Gradskog vijeća Grada Sarajeva (Igor Gavrić)*.
Doneseno rješenje je u prilogu ovog akta.

Predsjedavajući Komisije je konstatovao da je potrebno za narednu sjednicu Komisije dostaviti rješenja o prestanku radnog odnosa za zamjenike predsjedavajućeg Gradskog vijeća Grada Sarajeva u skladu sa zaključkom Administrativne komisije, te u skladu s tim tačke 5. i 6. se povlače sa dnevnog reda današnje sjednice.

TAČKA 7.

Donošenje Rješenja o prestanku radnog odnosa (Abdulah Skaka, gradonačelnik Grada Sarajeva)

Na prijedlog predsjedavajućeg, Administrativna komisija je jednoglasno usvojila sljedeći **zaključak**:

Administrativna komisija Gradskog vijeća Grada Sarajeva donosi *Rješenje o prestanku radnog odnosa (Abdulah Skaka, gradonačelnik Grada Sarajeva)*.
Doneseno rješenje je u prilogu ovog akta.

TAČKA 8.

Donošenje Rješenja o prestanku radnog odnosa (Ivica Šarić, zamjenik gradonačelnika Grada Sarajeva)

Toni Vukadin, član Komisije postavio je pitanje koliko traje mandat gradonačelnika i zašto je gradonačelniku prestao radni odnos sa danom 08.04.2021. godine a zamjenicima gradonačelnika sa danom 08.03.2021.godine.

Sekretar Gradskog vijeća je odgovorio da mandat gradonačelnika i zamjenika gradonačelnika traje koliko i mandat Gradskog vijeća.

Meliha Olovčić, pomoćnica gradonačelnice za opću upravu i zajedničke poslove je upoznala članove Komisije da su zamjenici gradonačelnika Milan Trivić i Ivica Šarić penzionisani.

Poslije uvodnog izlaganja, na prijedlog predsjedavajućeg, Administrativna komisija je sa pet glasova „za“ usvojila sljedeći **zaključak**:

Administrativna komisija Gradskog vijeće Grada Sarajeva donosi *Rješenje o prestanku radnog odnosa (Ivica Šarić, zamjenik gradonačelnika Grada Sarajeva), obzirom da je Ivica Šarić, zamjenik gradonačelnika penzionisan.*

Doneseno rješenje je u prilogu ovog akta.

TAČKA 9.

Donošenje Rješenja o prestanku radnog odnosa (Milan Trivić, zamjenik gradonačelnika Grada Sarajeva)

Na prijedlog predsjedavajućeg, Administrativna komisija je sa pet glasova „za“ usvojila sljedeći **zaključak**:

Administrativna komisija Gradskog vijeća Grada Sarajeva donosi *Rješenje o prestanku radnog odnosa (Milan Trivić, zamjenik gradonačelnika Grada Sarajeva), obzirom da je Milan Trivić, zamjenik gradonačelnika penzionisan.*

Doneseno rješenje je u prilogu ovog akta.

TAČKA 10.

Donošenje Rješenja o zasnivanju radnog odnosa (Benjamina Karić, Gradonačelnica Grada Sarajeva)

Meliha Olovčić, pomoćnica gradonačelnice za opću upravu i zajedničke poslove je zatražila da se ova tačka ne razmatra na današnjoj sjednici Komisije dok se ne riješi pitanje odjave gradonačelnice sa fakulteta.

Poslije izlaganja pomoćnice gradonačelnice, predsjedavajući Komisije je konstatovao da se Rješenje o zasnivanju radnog odnosa za gradonačelnicu Grada Sarajeva, neće razmatrati na današnjoj sjednici Administrativne komisije.

TAČKA 11.

Donošenje Rješenja o zasnivanju radnog odnosa (Anja Margetić, zamjenica Gradonačelnice Grada Sarajeva)

Meliha Olovčić, pomoćnica gradonačelnice za opću upravu i zajedničke poslove je upoznala članove Komisije da je u rješenju zamjenika gradonačelnice potrebno izmijeniti pouku o pravnom lijeku, tako da glasi „Protiv ovog rješenja imenovani ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema rješenja.“

Poslije uvodnog izlaganja, na prijedlog predsjedavajućeg, Administrativna komisija je jednoglasno usvojila sljedeći **zaključak**:

Administrativna komisija Gradskog vijeće Grada Sarajeva donosi *Rješenje o zasnivanju radnog odnosa (Anja Margetić, zamjenica gradonačelnice Grada Sarajeva)*, sa izmjenom pouke o pravnom lijeku kako je to predloženo od strane Melihe Olovčić, pomoćnice gradonačelnice za opću upravu i zajedničke poslove.

Doneseno rješenje je u prilogu ovog akta.

TAČKA 12.

Donošenje Rješenja o zasnivanju radnog odnosa (Haris Bašić, zamjenik Gradonačelnice Grada Sarajeva)

Poslije uvodnog izlaganja, na prijedlog predsjedavajućeg, Administrativna komisije je jednoglasno usvojila sljedeći **zaključak**:

Administrativna komisija Gradskog vijeće Grada Sarajeva donosi *Rješenje o zasnivanju radnog odnosa (Haris Bašić, zamjenik gradonačelnice Grada Sarajeva)* sa izmjenom pouke o pravnom lijeku kako je to predloženo od strane Melihe Olovčić, pomoćnice gradonačelnice za opću upravu i zajedničke poslove.

Doneseno rješenje je u prilogu ovog akta.

TAČKA 13.

Razmatranje zahtjeva gradskog vijećnika Vedrana Dodika

Predsjedavajući Komisije je obrazložio zahtjev gradskog vijećnika Vedrana Dodika.

Poslije uvodnog izlaganja, na prijedlog predsjedavajućeg, Administrativna komisija je jednoglasno usvojila sljedeći **zaključak**:

1. Zadužuje se Gradska služba za opću upravu i zajedničke poslove kao i Gradska služba finansija da Administrativnoj komisiji dostave prijedlog rješenja u vezi sa zahtjevom za ostvarivanje prava na socijalno osiguranje gradskog vijećnika Vedrana Dodika.
2. Zahtjev gradskog vijećnika Vedrana Dodika je u prilogu ovog zaključka.

TAČKA 14.

Tekuća pitanja

Predsjedavajući Komisije je najavio da će se na narednoj sjednici Administrativne komisije razmatrati prijedlozi za Izmjene i dopune Programa rada Gradskog vijeća Grada Sarajeva za 2021. godine.

PREDSJEDAVAJUĆI KOMISIJE

Jasmin Ademović, s.r.

Predsjedavajući Komisije je u 12.40 sati zaključio rad Prve sjednice Administrativne komisije Gradskog vijeća Grada Sarajeva.